

ներանք հաշուել են իրերի դրութեան հետ, որի մէջ մի կերպ քարշ են ապիս իրենց չարքաշ կեանքը:

— Վարժապետ ջան, աղաչանքս լսիր. — դարձաւ ինձ գիւղի քէզիսուգան. — մենք էսիր ենք, դեռ հերու էր, որ մեր աղաները 100 թուաման աւելորդ փող առին մեզնից, 50 թուաման էլ այս տարի (1918 թ.), իսկ օղչրներս՝ ամենն էլ տարան. չեն թողնում, որ մեր հալալ վաստակը վայելենք, խլում, տանում են ամեն ինչ. նէ հաւատ կայ, նէ օրէնք. . . և նա այլևս չկարողացաւ շարունակել խօսքը. աչքերը լցեցին և լոց:

«Մենք էսիր ենք» կրկնեցի ես մտքումս մեքէնայօրէն, այս. պ. Ս.ն շատ ճիշդ կերպով բնորոշեց իրենց գիւղի դրութիւնն իր գիւղացիական պարզ բառերովը. և ինձ համար դրանից աւելի ցայտուն, դրանից աւելի համոզեցուցիչ բառեր չէին կարող լինել, որով կարողանայի գաղափար կազմել գիւղի դրութեան մասին:

№	Կ Ա Ր Գ Ե Ր	Շունչ
1	Սղբատ . . . . .	87
2	Չունևոր . . . . .	40
3	Միջակ . . . . .	40
4	Ունևոր . . . . .	20
5	Հարուստ . . . . .	—
Ընդամենը		187

### Բ Ո Լ Ո Ր Ա Ն

Սա զուտ հայաբնակ մի բաւական մեծ գիւղ է, որ գանւում է Գաջանից մօտաւորապէս մէկու կէս Փարսախ հեռաւորութեան վրայ, դէպի հիւսիս-արեւմուտք, մի ձորաբլրի վրայ: Գիւղը բանաստեղծական դիրք ունի. չորս կողմը շրջապատւած է բլուրներով և ապա աւելի հեռու լեռնագօտիներով, որոնք ճօխ են բուսականութեամբ, որոնց միջից հոսում են պաղ և զուլալ աղբիւրներ: Բնակիչները հաւանական են համարում գաղթած Հարք գաւառի Բլուր գիւղից, այժմ ընդամենը 100 տուն են 820 բնակչով, որից